



Broj:101-1-4404/24

Datum: 26.11.2024. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 180-4403/24 od 26.11.2024. godine, rektorica Univerziteta „Džemal Bijedić“ u Mostaru donosi

## ODLUKU

### **o izboru najpovoljnijeg ponuđača u postupku javne nabavke „Nabavka sredstava za čišćenje i higijenskog potrošnog materijala“ LOT 2 – Higijenski potrošni materijal**

#### I

Prihvata se preporuka Komisije za javnu nabavku u postupku javne nabavke higijenskog potrošnog materijala – LOT 2 za potrebe Univerziteta „Džemal Bijedić“ u Mostaru i organizacionih jedinica, broj: 180-4403/24 od 26.11.2024. godine i okvirni sporazum o nabavci i isporuci higijenskog potrošnog materijala se dodjeljuje ponuđaču **„INTER-COM“ d.o.o. Zenica, Vrandučka 71b, 72000 Zenica**, u skladu s ponudom broj: 00157-11/24-b od 15.11.2024. godine.

#### II

Okvirni sporazum se dodjeljuje ponuđaču iz tačke I ove Odluke, sa ukupnom cijenom od 1.950,00 KM bez PDV-a, nakon održane e-aukcije.

#### III

Izabrani ponuđač je dužan dostaviti dokumente u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14 i 59/22), potvrđenih u izjavi iz Aneksa 3 Tenderske dokumentacije u predmetnom postupku, u skladu sa tačkom 14.4. TD u roku od 4 (četiri) dana od dana prijema Odluke o izboru najpovoljnijeg ponuđača. Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, ugovor za javnu nabavku dodijelit će se drugorangiranom ponuđaču u skladu sa članom 72. stav 3) Zakona o javnim nabavkama.

#### IV

Ugovorni organ će dostaviti na potpis izabranom ponuđaču prijedlog okvirnog spoazuma, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude, odnosno nakon isteka roka od 10 dana od dana kada su svi ponuđači obaviješteni o izboru najpovoljnije ponude, ukoliko budu ispunjeni uslovi iz člana 98. stav (4) Zakona o javnim nabavkama BiH.

#### V

Ova Odluka objavljuje se na web stranici Univerziteta, [www.unmo.ba](http://www.unmo.ba) istovremeno sa upućivanjem obavještenja ponuđaču koji je učestvovao u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).





## VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22 i 50/24).

### Obrazloženje

Odlukom broj: 101-1-4088/24 od 1.11.2024. godine pokrenut je postupak nabavke sredstava za čišćenje i higijenskog potrošnog materijala, za potrebe Univerziteta "Džemal Bijedić" u Mostaru i organizacionih jedinica, putem konkurentskog zahtjeva za dostavu ponuda. Komisija za provođenje postupka javne nabavke sredstava za čišćenje i higijenskog potrošnog materijala imenovana je Odlukom broj: 101-1-4089/24 od 1.11.2024. godine.

U skladu sa Odlukom o pokretanju nabavke ukupna procijenjena vrijednost nabavke bez PDV-a iznosi 8.800,00 KM, odnosno procijenjena vrijednost za LOT 2 bez PDV-a iznosi 2.600,00 KM. Obavještenje o nabavci broj: 66-7-1-123-3-53/24 objavljeno je na portalu javnih nabavki dana 8.11.2024. godine, zajedno sa Tenderskom dokumentacijom broj: 101-1-4181/24.

U skladu sa Tenderskom dokumentacijom i obavještenjima o nabavci dana 19.11.2024. godine sa početkom u 10:15 sati održano je javno otvaranje ponuda. U predviđenom roku za prijem ponuda (19.11.2024. godine do 10:00 sati) zaprimljene su 2 (dvije) ponude kako slijedi:

	Broj protokola	Naziv/ime ponuđača (šifra)	Datum i sat prijema
1.	180-4291/24	INTER-COM	18.11.2024. u 8:50
2.	180-4342/24	ANTONIO-COMMERCE	19.11.2024. u 8:15

Na javnom otvaranju ponuda nije bilo prisutnih predstavnika ponuđača. Javno otvaranje ponuda provedeno je u skladu sa Zakonom o javnim nabavkama („Službeni glasnik BiH“, broj 39/14, 59/22 i 50/24) i Uputstvom o načinu vođenja zapisnika o otvaranju ponuda („Službeni glasnik BiH“, broj 90/14). Po završetku javnog otvaranja zapisnik o otvaranju ponuda je potpisan te poslat elektronski putem e-maila ponuđačima koji su dostavili ponudu. Komisija je na zatvorenom sastanku dana 19.11.2024. godine sa početkom u 10:40 sati započela sa pregledom i ocjenom ponuda.

Pregledom dostavljenih ponuda Komisija za nabavku je utvrdila da su ponude dostavljene na propisan način i da su koverta sa ponudama ispravno zatvorene. Komisija je izvršila pregled, analizu i ocjenu traženih i dostavljenih dokumenata na osnovu kojih se utvrđuje postoje li razlozi isključenja ponuđača, kao i analitički prikaz traženih i dostavljenih dokumenata u svrhu ispunjavanja svih uslova shodno tenderskoj dokumentaciji, kao i analizu ponuda vezano za ispunjenje zahtjeva u pogledu opisa predmeta nabavke i pregleda obrasca za cijenu ponude.

**Nakon izvršenog pregleda ponuda Komisija je konstatovala sljedeće:**

**Ponuda ponuđača „INTER-COM“ d.o.o. Zenica je kompletna i prihvatljiva** i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije. Ukupna cijena ponude iznosi 2.586,00 KM bez PDV-a. Ponuđač nije dao popust na cijenu.





**Ponuda ponuđača „ANTONIO-COMMERCE“ d.o.o. Mostar je kompletna i prihvatljiva** i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije. Ukupna cijena ponude iznosi 2.598,60 KM bez PDV-a. Ponuđač nije dao popust na cijenu.

Nije bilo osnova za ispravku računskih grešaka u kompletnoj i prihvatljivoj ponudi.

Tačkom 30. Tenderske dokumentacije u predmetnom postupku je predviđeno održavanje e-aukcije za ovaj postupak nabavke, u skladu s odredbama Pravilnika o uslovima i načinu korištenja e-aukcije („Službeni glasnik BiH“ broj:80/23).

Nakon provedenog postupka e-aukcije, u skladu s Izvještajem o toku i završetku e-aukcije od 26.9.2024. godine, utvrđena je konačna rang lista ponuđača kako slijedi:

1. **INTER-COM d.o.o. Zenica** s ukupnom cijenom ponude od 1.950,00 KM bez PDV-a,
2. **ANTONIO COMMERCE d.o.o. Mostar** s ukupnom cijenom ponude u iznosu od 1.990,00 KM bez PDV-a.

Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se okvirni sporazum o nabavci i isporuci higijenskog potrošnog materijala dodijeli ponuđaču **“INTER-COM“ d.o.o. Zenica** sa ukupnom cijenom ponude u iznosu od **1.950.00 KM bez PDV-a**. Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je nakon održane e-aukcije ocijenjena kao najpovoljnija u skladu s postavljenim kriterijem najniža cijena.

**Ovom Odlukom prihvaćen je prijedlog Komisije.** U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 5 (pet) dana od dana prijema ove Odluke, u pisanoj formi direktno, putem pošte ili elektronskim putem.

REKTORICA

  
prof. dr. Alena Huseinbegović

#### **Prilog:**

1. Zapisnik o pregledu i ocjeni ponuda

#### **Dostaviti:**

1. Ponuđaču: INTER-COM d.o.o.
2. Ponuđaču: ANTONIO-COMMERCE d.o.o.
3. Arhiva javnih nabavki
4. a/a